



ՍՈՒՐԲ ՉԱԿՈԲ

ԱՌԱՋՆՈՐԴԱՆԻՍՏ ՄԱՅՐ ԵԿԵՂԵՑԻ



Վարդապառի Երրորդ Կրտսեր 7 ՕԳՈՍՏՈՍ 2022

ԸՆԹԵՐՑՈՒՄ
ԵՍԱՅԻ ՄԱՐԴԱՐԵՒ ԳԻՐՔԵՆ
(5.1-10)

Լսեցէ՞ք սիրոյ երգը, որ ձեզի պիտի երգեմ ի դիմաց սիրականին, որ կ'երգէ իր սիրելի այգիին: «Ես, սիրականս, այգի մը առի բարեբեր բլուրի մը վրայ. ցանկով պատեցի, ձողերով պատ քաշեցի անոր շուրջը, եւ ընտիր խաղողի որթատունկ տնկեցի: Այգիին կեղրոնը աշտարակ մը կանգնեցի եւ հնձան մըն ալ փորեցի, եւ ապա սպասեցի որ ընտիր խաղող տայ, բայց միայն ազոխ տուաւ: Արդ, ով բնակիչներ Յուղայի եւ երուսաղէմի, դուք դատեցէք իմ այգիիս խնդիրը: Ուրիշ ի՞նչ պէտք է ընէի այգիիս համար եւ չըրի, եւ ահա խաղողի փոխարէն ազոխ տուաւ ինծի: Հիմա ես ձեզի ըսեմ թէ ի՞նչ պիտի ընեմ այգիիս.- պիտի քակեմ ցանկապատը, որպէսզի գազաններուն ճարակ դառնայ, պիտի փլցնեմ պատերը, որպէսզի ոտքի կոխան ըլլայ: Խոպան պիտի ձգեմ. ո՛չ պիտի յօտեմ եւ ոչ ալ բրեմ. պիտի թողում որ փուշ ու տատասկ բուսցնէ, եւ ամպերուս պատուէր պիտի տամ որ չանձրեւեն այգիիս վրայ»:

Երկնաւոր Զօրքերու Տիրող այգին Խորայէլի տունն է, իսկ անոր սիրած նոր որթատունկը՝ Յուղայի բնակիչները: Անոնցմէ իրաւունք ակնկալեց, բայց անիրաւութիւն գտաւ. արդարութիւն կամեցաւ, բայց աղաղակող անարդարութիւն տեսաւ: Վա՛յ անոնց որոնք իրարու ետեւէ տուն կը գնեն, նոր կալուածներ կը բարդեն իրենց ունեցածներուն վրայ, ընկերոջ բան չձգելու համար: Միթէ առան-

ձի՞ն պիտի ապրիք աշխարհի վրայ: Այս բոլորին տեղեակ է երկնաւոր Զօրքերու Տէրը որ այսպէս կ'ըսէ ձեզի. «Բոլոր այս մեծ ու գեղեցիկ տուները աւեր եւ անմարդաբնակ պիտի մնան, եւ ձեր հողերը արդիւնք պիտի չտան. տասը արտավար այգիէն հազիւ կարս մը գինի պիտի ստանաք, տասը պարկ սերմանողը հազիւ մէկ պարկ պիտի ժողվէ»:

ՊՈՂՈՍ ԱՌԱՔԵԱԼԻ
ԿՈՐՆԹԱՑԻՆԵՐՈՒԵ ԳՐԱԾ ԱՌԱՋԻՆ
ՆԱՄԱԿԻՆ
(6.18-7.11)

Զէ՞ք գիտեր, թէ ձեր մարմինները Քրիստոսի անդամներն են: Քրիստոսի անդամները առնենք պոռնիկի անդա՞մ դարձնենք: Բնա՛ւ երբեք: Զէ՞՞ որ գիտէք թէ պոռնիկին միացողը անոր հետ մէկ մարմին կը կազմէ, որովհետեւ գրուած է. «Երկուքը մէկ մարմին պիտի ըլլան»: Նոյնպէս ալ, ով որ Տիրոջ միանայ՝ անոր հետ մէկ հոգի կ'ըլլայ: Հետեւաբար պոռնկութենէ հեռո՛ւ փախէք: Բոլոր միւս մեղքերը որ մարդ կը գործէ, իր մարմնին հետ կապ չունին. բայց պոռնկութիւն ընողը իր մարմնին դէմ կը մեղանչէ: Զէ՞ք գիտեր, որ ձեր մարմինները տաճարն են Ա. Հոգիին որ Աստուծմէ առիք եւ ձեր մէջ կը բնակի: Գիտցէք, որ դուք չէ՞ք ձեր անձերուն տէրը, այլ Աստուծ, որ փրկագինով ձեզ գնեց: Հետեւաբար այնպէս ապրեցէք, որ Աստուծ փառաւորուի ձեր մարմիններով:

... ձեր
մարմինները
տաճարն
են Ա.

Հոգիին որ
Աստուծմէ
առիք եւ
ձեր մէջ կը
բնակի:

Զեր նամակին մէջ ինծի գրած էիք նաեւ այն մասին՝ թէ մարդ լաւ կ'ընէ եթէ բնաւ չամուսնանայ: Բայց որպէսզի պոռնկութեան մէջ չիյնաք՝ ամէն մարդ իր կինը թող ունենայ եւ ամէն կին՝ իր ամուսինը, որպէսզի կնոջ պէտքերը այրը գոհացնէ, եւ ամուսնոյն պէտքերը՝ կինը: Որովհետեւ կինը իր մարմնին տէրը չէ՛, այլ՝ ամուսինը. ո՛չ ալ այրը իր մարմնին տէրն է, այլ՝ կինը: Երկար ատեն հեռու մի՛ մնաք իրարմէ: Եթէ կ'ուզէք աղօթքի նուիրուիլ, կրնաք փոխադարձ համաձայնութեամբ ժամանակ մը իրարմէ հեռու մնալ. բայց յետոյ վերադարձէք ձեր կենակցութեան, որպէսզի չըլլա՛յ որ Սատանան ձեզ փորձութեան մղէ՝ ձեր անժումկալութենէն օգտուելով: Հրահանգ մը չէ՛ այս տուածս, այլ պարզապէս՝ ներողամիտ կեցուածք: Որովհետեւ ես պիտի ուզէի որ ամէն մարդ ալ ինծի պէս ապրէր, բայց Աստուած իւրաքանչիւրին իրեն յատուկ շնորհք մը տուած է. մէկուն՝ այսպէս ապրելու շնորհք, միւսին՝ այնպէս: Սակայն ամուրիներուն եւ այրիներուն կ'ըսեմ.- Աւելի լաւ կ'ընեն՝ եթէ ինծի պէս մնան. բայց եթէ չեն կրնար տոկալ՝ թող ամուսնանան, որովհետեւ նախընտրելի է ամուսնանալ քան թէ ցանկութեամբ եռալ: Իսկ ամուսնացած գոյգերուն հետեւեալ պատուէրը կու տամ Տիրոջ կողմէ.- Ուեւէ կին իր ամուսինէն թող չբաժնուի՛. իսկ եթէ բաժնուի, կա՛մ առանց ամուսնութեան թող ապրի եւ կա՛մ դարձեալ հաշտուի իր ամուսինին հետ: Նոյնպէս, ուեւէ այր իր կինը թող չձգէ՛:

**ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԻՆ
ԸՍՏ ՄԱՏԹԵՈՍԻ
(19.3-12)**

Փ արիսեցիներ Յիսուսը փորձելու մտադրութեամբ մօտեցան անոր եւ հարցուցին. «Իրաւունք ունի՞ մէկը ուեւէ պատճառով իր կինը արձակելու»: Յիսուս անոնց պատասխանեց. «Չէ՞ք կարդացած Սուրբ Գիրքերուն մէջ, թէ Աստուած սկիզբէն արու եւ էգ ստեղծեց մարդիկը եւ ըսաւ անոնց.

“Այս պատճառով այրը պիտի ձգէ իր հայրն ու մայրը եւ իր կնոջ միանայ, եւ երկուքը մէկ մարմին պիտի ըլլան”։ Հետեւաբար այլեւս երկու չեն, այլ մէկ մարմին։ Ուրեմն ուեւէ մէկը թող չբաժնէ անոնք որ Աստուած միացուց»։

Փարիսեցիները դարձեալ հարցուցին. «Հապա ինչո՞ւ Մովսէս օրէնք սահմանեց՝ բաժանման թուղթ տալ կնոջ եւ արձակել զայն»։ Յիսուս պատասխանեց. «Մովսէս ձեր խստաբառութեան պատճառով արտօնեց արձակել ձեր կիները, սակայն ստեղծագործութեան ժամանակ արձակելու խօսք չկար: Գիտցէք նաեւ թէ ով որ իր կինը կ'արձակէ առանց պոռնկութեան պատճառի եւ ուրիշ մը կ'առնէ՝ շնութիւն ըրած կ'ըլլայ»։

Աշակերտները ըսին Յիսուսի. «Եթէ ամուսնութիւնը այդպէս դատապարտութեան պատճառ կրնայ ըլլալ այր մարդուն եւ կնոջ համար, աւելի լաւ է չամուսնանալ»։ Յիսուս ըսաւ. «Բայց ամէն մարդ չի կրնար առանց ամուսնութեան մնալ, այլ միայն անոնք, որոնց Աստուած կարողութիւն տուած է: Որովհետեւ մարդիկ չեն ամուսնանար այն պարագաներուն, երբ ծնունդով ներքինի են, կամ մարդոց կողմէ ներքինի եղած են եւ կամ զիրենք ներքինի դարձուցած են Աստուծոյ արքայութեան համար: Ով որ կրնայ ընդունիլ իմ հաստատումս, թող կատարէ զայն»։

**Թերթիկի և ակնորդ թիւերը
ԿՐԱՎՔ ԳՏԱՆԵԼ
www.sourphagop.net
ԿԱՅՐԷԶԻՆ ՎՐԱՅ**

**ՀՊԵՀԱՎԱՏԵԱՆ
ԶԵՐ ԱՐՁԱՎԱՐՈՒԹԻՒՆՆԵՐԸ
ԱԿԽՈՐԾՈՅ ԿԱՏԱՐԵՑԵՔ ԿԱՊՈՒԵԼՈՎ
ԵԿԵՂԵՑԻ ԳՐԱԿԱՆԱԿԱԿ:**